



Nuttarnerulersitsiniarluni tapiissutit pillugit

Ilitsersuut



1. Aallaqqaasiut

Ilitsersuut una Majoriaqarfinni sulianik isomaginninnermik oqilisaanissaq siunertaralugu suliarineqarpoq, aammalu qinnuteqaatinik takkuttunik nalilersuinnermut atatillugu apeqqutigineqarajunnerpaanut akissutaasinnaasunik ilitsersuutaalluni.

Nuttarnerulersitsiniarluni tapiissutit pillugit malittarisassiat siunertaat pingaarnepaaq tassaavoq Kalaallit Nunaanni suliffissaaleqisut sumiiffinnut najugarisani sulisartuusunik inuttalersinnaanngisanut nuussinnaanissamut ikiorsiinissaq.

Tapiissutitut Aningaasanut Inatsimmi ukiumoortumik aningaasartassat aalajangerneqartarput.

Ukiup ilaanaani suliarortunut ikiorsiinerup Inatsisartut Inatsisaanni missigersuusiorfiup affaa qaangissanngilaa.

Nuttarnerulersitsiniarluni tapiissutitut qinnuteqaatit Naalakkersuisoqarfiup aningaasaliiffigisaata, illoqarfik angerlarsimaffiusumi Majoriami suliarineqartarput, tassani qinnuteqaatip suliarinissaanut paasissutissanik katersillunilu nalilersuisoqartarluni.

2. Inatsisitigut tunngavigisaq

Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersoq

Inatsimmut pingaarnermut naleqqiullugu:

Inatsisartut inatsisaat nr. 32, 9. December 2015-immeersoq, Suliffeqarnermi innersuussisarneq il.il.pillugit Inatsisartut inatsisaataallanguuteqartinneqarnera pillugu Inatsisartut inatsisaat (Nuttarnerulersitsinissamut ikiorsiissutitorneqarnerulernissaat).

Inatsisit atuuttut tamarmik nalunaarutit.gl-imi nassaassaapput.

3. Sullinniakkat

Sullinniakkat tassaapput suliffissaaleqisut, suliffissarsiortutut nalunaarsugaasut, illoqarfimmi/nunaqarfimmi allami, najugaqarfingngisami avataani, sulinermik inuussutissarsiortutut isigineqartoq suliffimmik neqeroorummik pissarsisimasut, aammalu atorfinitsitaanermut atatillugu akilikkamik angalanissamik pigisallu nuunnissaannik neqeroorfigineqanngitsut.

4. Piumasaqaatit – aaliagersimasumik suliffeqalertumut

- Suliffissaaleqisoq, Majoriami suliffissarsiortutut nalunaarsimasoq.
- Illoqarfimmi imaluunniit nunaqarfimmi allami suliffimmik aalajangersimasumik neqeroorfigisaasimasoq.
- Nuunnissaq sioggullugu Majoriami nuttarnerulersitsiniarluni tapiissutitik qinnuteqarsimasoq.
- Illoqarfimmi nuuffigisami nammineq inigisassaqartoq.

5. Piumasaqaatit – ukiup ilaani suliffeqarneq

- Suliffissaaleqisoq, Majoriami suliffeqanngitsutut minnerpaamik qaammat ataaseq (1) nalunaarsorasimasoq.



- Illoqarfimmi nunaqarfimmiluunnit allami utaqqiisaasumik sulinissamik neqeroorfineqarsimasoq, taakkunani suliassaq taakkunani najugalinnit sularineqarsinnaangippat (sivikinnerpaamik qaammatini pingasuni). Majoriaqarfik nuuffigisamiittoq aperineqassaaq.
- Angalanissaq siogqullugu Majoriami nuttarnersitsiniarluni tapiissutinik qinnuteqartoq.
- Illoqarfimmi nuuffigisami inigisassamik/unnuisarfissamik assingusumilluunniit peqartoq.
- Ukiup ilaani sulinissaq sivikinnerpaamik qaammatinik pingasunik sivilisussuseqassaaq.

6. Majoriap suut isummerfigissavai?

- Pineqartoq suliffissaaleqisuaa aammalu suliffissarsiortutut nalunaarsorsimava?
- Suliffissamik neqeroorummik allaganngorlugu uppersaatissaqartoqarpa? (Tassaasinnaavoq sulisitsisumit maili imaluunniit allakkat).
- Ineqarnissamut uppersaatissaqarpa (Ukiup ilaani suliniartunut, unnuisarfissaq)? (Suliffimmi aalajangersimasumik attartugaqarnermut isumaqatigiissut, ukiup ilaani suliffeqarnermut sulisitsisumit maili).
- Nuunnissamut allaganngorlugu neqerooruteqartoqarsimava?
- Angalanissamut akigisassamut neqerooruteqartoqarpa?
- Aapparisaqartoqarpat: Angalanissap akilernissaanut pineqartup piumasaqaatit naapertuutsippai (aapparisap 18-inik ukioqalerneranit ukioq ataaseq sinnerlugu aappariinneq)?

7. Uppersaateqarnissamut piumasaqaatit

- Suliffissaq pillugu allaganngorlugu neqeroorut (sulisitsisumit maili imaluunniit allakkat).
- Namminersuutigisatut inigisassami (aalajangersimasumik atorfinitsitaanermi) allaganngorlugu uppersaat (inigisassamik attartornissamut isumaqatigiissut).
- Nuunnissamut allaganngorlugu neqeroorutigisat (maili imaluunniit allakkat).

8. Aaliagersimasumik suliffittaartumut tapiissuteqarnermi suut ilaappat?

- Qinnuteqartumut aapparisamullu (aapparisatut inooqatigisamut, aappariit 18-ileereernerminni ukioq ataaseq sinnerlugu inooqatigiissimappata) aammalu 18-it inorlugit ukiulinnut meeqqanut angerlarsimaffimmi najugalinnut angalanerit akikinnerpaat.
- Kisermaamut pisattanik nuussinerit 15 m³ tikillugit tapiissutigineqassapput.
- Aapparinnut pisattanik nuussinerit 30 m³ tikillugit tapiissutigineqassapput.
- Meeqqanut ataasiakkaanut tamanut pisattanik nuussinerit 5 m³ tikillugit tapiissutigineqassapput.
- Pisattani nuussinermiippat pisattanik poortuinerit, assartuinerit puuaanerillu. Pisattanik nuussinermi ilaangillat nalinginnaasumik nuussinermik sularisat saniatigut pisattanik toqqortaqartitaqarneq.
- Pisattanik nuussinissap aningaasaliiffiginissaa akuerineqarpat, pisattalli atorfininniarluni angalanermut imaaliillaannaq attaveqartitamik umiarsuakkut assartorneqarsinnaanatik uppersaatit pisariaqartitat ilaliullugit inunmut ataasiakkaanut nassatani 10 kg tikillugit oqimaassusissami qaangiisoqarnissamut akiluteqarnissaq akuerineqarsinnaavoq.



9. Aningaasaliissummi suut ilaanngisaannarpat?

- Umiatsiamik, biiliniq, qamuterallannik, uumasunik, qamutiniq assartuinerit.
- Nerisaqarneq aamma errorsisarfirmik atuineq (angalanerup nalaani unnuinissaq pisariaqartinneqassappat).
- Akilikkamik sulinngiffiup nalaani angalaneq.
- Pisattanik toqqorterineq, assersuutigalugu umiarsuutigut attaveqartoqannginnerup nassatarisaanik nalinginnaasut qaangerlugit pigisanit toqqortaqrneq / containeriniititsineq.

10. Ukiup ilaani sulinermi aningaasaliissuteqarnermi suut ilaappat?

- Qinnuteqartumut illoqarfimmiit angerlarsimaffigisaaniit angalanissamut billetsi (takuss billet)
- Pineqartup angalanermini, taxanik angalanermit aningaasartuutit, nerisaqarneq imikkanilu **nammineq akilissavai.**
- Qaammatit pingasut kingorna angerlarluni angalanissamik qinnuteqartoqassaaq. Qinnuteqarnermi nalilersorneqartarpoq, ilaatigut piffissaq sivikinnerusoq piffissap ilaani suliarortumut neqeroortutiqeqarsimangaangat: Majoriap mailikkut qinnuteqaat uunga nassutissavaa isn@nanoq.gl aningaasaliinerup qanga pisimaneranik paasissutissartallimmik, ullormilu sorlermi pineqartoq angerlamut uterusunnersoq paasissutissiissutigalugu.
- Piffissaq siqqullugu atorfininnerup qanorluunnit patsisillimmik taamaatinneqarpat, Naalakkersuisoqarfik allaffigineqassaaq uunga nassiusinikkut isn@nanoq.gl.

11. Apeqqutit akissutillu

- Qinnuteqartoq tulluarsakkat 2-mi imaluunniit 3-miippoq, qinnuteqaammut tamanna pingaaruteqarpa?
 - Sulisitsisoq kina atorfinitsinniarlugu aalajangiisartuuvoq. Tamanna Majoriap akuleruffigisinnanaguluunniit akuleruffigissanngilaa. Majoriami sulianik isumaginnittartut nipagiussisussaataapput, taamaattumillu innuttaasut atugarisaat pillugit oqaaseqarsinnaanatik. Sulisitsisut innuttaasut aammalu innuttaasut atugarisaat pillugit Majoriamit paasissutissanik pissarsisinaanngillat.
- Qinnuteqartoq sivisuumik suliffissaaleqisimavoq, najugaqarfigisamilu suliffissarsisinaanani. Illoqarfimmi X-imi namminersortutut suliffeqalernissamut periarfissaqarpoq. Nuttarnersitsinniarluni tapiissutiniq pissarsisinaava?
 - Qinnuteqartumut tapiissutiniq pissarsisussamut piumasaqaataavoq sulinermik inuussutissarsiortutut isigineqarnissaq. Taamaattumik akissut tassaavoq: Naagga.
- Aappariit malittarisassat malillugit akiliuteqarfiginissaannut pinnaatitaaffigisaminnik pigisat annertussusaat sinnerlugit pigisaqarput. Qanoq iliussappat?
 - Tamaasa nassarussagunikkut aappariit malittarisassat malillugit pinnaatitaaffigisamik saniatigut usigisassat nammineq akilissavaat. Aamma pigisamik ilaanik toqqortaqartitsinissaq pillugu kissaateqassagunik tamatuma akigisasaanik aappariit aamma nammineq akiliuteqassapput.
- Qinnuteqartoq illoqarfimmit angerlarsimaffimmi illoqarfimmut X-imut siorna nuttarnersitsinniarluni tapiissutisimavoq, pineqartullu suliffini annaavaa, illoqarfillu najorusukkunnaarlugu. Massakkut angerlaqqikkusulerpoq, nuttarnersitsinniarluni tapiissutiniq pissarsisinaanerluni?



- Nuttarnerulersitsiniarluni tapiissutisinissamut piumasaqaatinik tamanik pineqartoq naammassinnippat tapiissutisisinnaavoq – atorfinitsitaanerup aallartinneranit qinnuteqartullu suliffimmik annaasaqarluniluunniit soraarpat qaammatit arfinillit sinnerlugit qaangiutereersimappata.
- Qinnuteqartup itigartitaanini naammaginngilaa, maalaaruteqarusupporlu.
Maalaaruteqarsinnaava?
 - Kikkut tamarmik maalaarnissamut pisinnaatitaaffeqarput, imaluunniit aalajagiussinermik iluarinninnginnerminnik oqaatiginnissinnaatitaapput. Aqutsisoqarfittut pisortanut allanut nuttarnerulersitsiniarluni tapiissutit pillugit aalajagiinerit ingerlateqqissinnaanngilaat (Isumaginninnermi Naammagittaalliuteqartarfimmu assigusumilluunniit, maalaarutip ingerlateqqillugu suliarineqarsinnaannginneranik tamanna isumaqarpoq).
- Naalakkersuisoqarfimmi qinnuteqaat qanoq piaartigisumik suliarineqartarpa?
 - Qinnuteqaat sapinngisamik piaarnerpaamik suliarineqartarpoq, ullulli suliffiusut tallimat tikillugit sivisussuseqarnissaa naatsorsuutigisariaqarpoq.
- Nuttarnerulernissamik aningaasaateqarfik aqutigalugu tapiissutinik pissarsisimasoq, nammineq pisuussutigisaminik suliunnaarsinneqarpoq. Angerlamut angalanissamut akilerneqartumut pisinnaatitaaffeqarpa?
 - Aaliagersimasumik nuuttumut: Qaammatit arfinillit iluanni soraarsitaanerminut namminerluunniit pisuussuteqaruni soraarniuteqaruni nuttarnerulersitsiniarluni tapiissutit naalakkersuisoqarfiup utertillugit akileqqusinnaavai.
 - Ukiup ilaani suliartortumut: Piffissami sivikinnerusumi, qaammatit pingasut sinnerlugit suliartortumut, piffissaq naammassinagu, suliunnaarsitaaguni imaluunniit nammineq pisuussutigisaminik suliunnaarsinneqarpat, nammineq angerlarluni angalanerminik akiliuteqarnissaanik tamanna kinguneqassaaq.
- Aappariit nuttarnerulersitsiniarluni tapiissutisinissamik akuerisaasimapput, piffissallu sivikitsup ingerlanerani illoqarfik X-imut nuuttussanngorput. Inigisarigallagartik qimassimavaat, qaammammili ataatsimi imaluunniit marlunni marloqiusamik ineqarnerup attartorneranut aningaasartuuteqassallutik (inigisaq nutaaq aamma pisoqaaq). Tamatumunnga ikiorserneqarsinnaappat?
 - Marloqiusamik ineqarnermut attartorneranut ikiorsiinissamut nuttarnerulersitsiniarluni tapiissutit pillugit malittarisassat periarfissiinngillat.

12. Qinnuteqarnermi immersuiffissaq

Nuttarnerulernissamut tapiissutinik qinnuteqarfissaq **B11** qinnuteqaatinik Naalakkersuisoqarfimmu nassiussinermi atorneqartassooq.